

賢愚因緣經

第一

四百九十五
盤一

50969



元祿九年丙子二月日重脩

皇圖瓊閣 帝階綴呂

佛日增輝 懋輪崇轉

山城州天安寺法金剛院置



天

7

1

賢愚因緣經卷第一

入

盤

元魏沙門慧覺在高昌郡譯

雜譬喻經第一

梵天清法六事

如是我聞一時佛在摩竭國善勝道場初始
 得佛念諸衆生迷罔邪倒難可教化若我住
 世於事無益不如遷逝無餘涅槃今時梵天
 知佛所念即從天下前詣佛所頭面禮足長
 跪合掌勸請世尊轉于法輪佛答梵天衆生
 之類塵垢所蔽樂著世樂無有慧心若成住
 世唐勞其功如吾所念唯滅為快念時梵天
 復更傾側而白佛言世尊今日法海已滿法
 幢已立潤濟開導今正是時又諸衆生應可



度者亦甚衆多云何世尊欲入涅槃使此萌
類永失覆護世尊往昔無數劫時恒為衆生
採集法藥乃至一偈以身妻子而用募求云
何不念便欲孤棄過去久遠於閻浮提有大
國王号修樓婆領此世界八萬四千諸小國
邑六萬山川八十億聚落王有二萬突人一
萬大臣時妙色王德力無此覆育民物豐樂
無極王心念曰如我今者唯以財寶資給一
切無有道教而安立之此是我咎何其若哉
今當推求堅實法財普令得脫即時宣令閻
浮提內誰能有法與我說者恣其所須不敢
違逆募出周遍無有應者時王憂愁酸切懇

惻眦沙門王見其如是欲往試之輒自變身
化作夜叉色貌青黑眼赤如血鉤牙上出頭
髮悉豎火從口出來詣宮門口自宣言誰欲
聞法我當為說王聞是語喜不自勝躬自出
迎前為作禮敷施高座請令就坐即集群僚
前後圍遶欲得聽聞爾時夜叉復告羣曰学
法事難云何直尔欲得聞知王又手曰一切
所須不敢有逆夜叉報曰若以大王可愛妻
子與我食者乃與汝法尔時大王以所愛夫
人及兒中勝者供養夜叉夜叉得已於高座
上衆會之中取而食之尔時諸王百官群臣
見王如是啼哭懊惱宛轉在地勸請大王令

捨此事王為法故心堅不迴時夜叉鬼食妻
子盡為說一偈

一切行無常 生者皆有苦 五陰空無相

無有我我所

說是偈已王大歡喜心無悔恨大如毛髮即

便書寫遣使班示闍浮提內咸使誦習時毗

沙門盤王還後本形讚言善哉甚奇甚特夫人

太子猶存如故尔時王者今佛身是世尊昔

日為法尚尔云何今欲便捨衆生早入涅槃

而不救濟又復世尊過去久遠阿僧祇劫於

闍浮提作大國王名虔闍尼婆梨典領諸國

八萬四千聚落二萬夫人絲女一萬大臣王

有慈悲矜及一切人民蒙賴穀米豐賤咸佩
王恩猶視慈父時王心念我今最尊位居豪
首人民於我各各安樂雖復有是未盡我心
今當推求妙寶法財以利益 思惟是已遣
臣宜令徧告一切誰有妙法與我說者當給
所須隨其意欲時有婆羅門名勞度差來詣
宮門云我有法王聞甚喜即出奉迎前為作
禮敷好牀褥請令就坐王與左右合掌白言
唯願大師垂矜愚鄙閑闡妙法令得聞知時
勞度差復報王曰我之智慧追求遐方積學
不易云何直尔便欲得聞王復報曰一切所
須悉見告勅皆當供給勞度差曰大王今日

能於身上剡燃千燈用供養者乃與汝說王
聞此語倍用歡喜即時遣乘八千里象告語
一切閻浮提內虔闍婆梨大國王者却後七
日為於法故當剡其身以燃千燈時諸小王
一切人民聞此語已各懷愁毒悉來詣王到
作禮畢共白之言今此世界有命之類依恃
大王如盲依導孫兒仰母王薨之後當何所
怙若於身上剡千燈者必不令濟云何為此
一婆羅門棄此世界一切衆生是時宮中二
萬夫人五百太子一萬大臣合掌勸請亦皆
如是時王報曰汝等諸人慎勿却我無上道
心吾為是事誓求作佛後成佛時必先度汝

是時衆人見王意正啼哭懊惱自投於地王
意不改語婆羅門今可剗身而然千燈尋為
剗之各著脂炷衆會見已絕而復蘇以身投
地如大山崩王復白言唯願大師垂哀矜採
先為說法然後燃燈我命僅斷不及聞法時
勞度差便唱法言

常者皆盡高者必墮合會有離生者有死
說是偈已而便然火當此之時王大歡喜心
無悔恨自立誓願我今求法為成佛道後得
佛時當以智慧光明照悟衆生結縛黑闇作
是誓已天地大動乃至淨居諸天宮殿動搖
咸各下視見於菩薩作法供養毀壞身體不

顧軀命僉然俱下側塞虛空啼哭之淚猶如
盛雨又雨天華而以供養時天帝釋下至王
前種種讚歎復問之曰大王今者苦痛極理
心中頗有悔恨事不王即言無帝釋復白今
觀王身戰掉不寧自言無悔誰當知之王復
立誓盤若我從始乃至於今心不悔者身上衆
瘡盤即當平復作是語已尋時平復時彼王者
今佛是也世尊往昔苦毒求法皆為衆生今
者滿足云何捨棄欲入涅槃永使一切失大
法明又復世尊過去世中於閻浮提作大國
王名毗提竭梨典領諸國八萬四千聚落二
萬夫人綵女五百太子一萬大臣王有慈悲

視民如子。尔時大王心好正法。即時遣臣宣
令一切。誰有經法。為我說者。當隨其意。給足
所須。有婆羅門名勞度差。來詣宮門。言有大
法。誰欲聞者。我當為說。王聞此語。喜不自勝。
躬出奉迎。接足為禮。問訊起居。將至大殿。敷
施高座。請令就坐。合掌白言。唯願大師當為
說法。勞度差曰。我之所知。四方追學。勞苦積
年。云何大王。直尔欲聞。王又手曰。一切所須。
幸垂勅及於大師。所不敢有惜。尋報王言。若
能於汝身上。琢千鐵釘。乃與汝說。王即可之。
却後七日。當辨斯事。尔時大王尋時遣人。乘
八千里象。徧告一切閻浮提內。毗楞竭梨大

王却後七日當於身上琢千鐵釘臣民間之
悉來雲集白大王言我等四遠承王恩德各
獲安樂唯願大王為我等故莫於身上琢千
鐵釘一時宮中夫人綵女太子大臣一切象
會咸皆同時向王求哀唯願大王以我等故
莫為一人便取命終孤棄天下一切象生五尔
時國王報謝之曰我於久遠生死之中殺身
無數或為貪欲瞋恚愚癡計其白骨高於須
彌斬首流血過於五江啼哭之淚多於四海
如是種種唐捐身命未曾為法吾今琢釘以
求佛道後成佛時當以智慧利劍剷除汝等
結使之病云何乃欲遮我道心爾時象會默

然無言於時大王語婆羅門唯願大師垂恩
先說然後下釘我命儻終不及聞法時勞度
差便說偈言

一切皆無常

生者皆有苦

諸法空無主

實非我所有

說是偈已即於身上琢千鐵釘時諸小王群
臣之衆一切大會以身投地如大山崩宛轉
啼哭不識諸方是時天地六種震動欲色諸
天恠其所以僉然俱下見於菩薩困苦為法
傷壞其身同時啼哭淚如盛雨又雨天華而
以供養時天帝釋來到王前而問王言大王
今者勇猛精進不憚苦痛為於法故欲何所

求欲作帝釋轉輪王乎為欲求作魔王梵王
王答之曰我之所為不求三界受報之樂所
有功德用求佛道天帝復言今觀王身不能
自持言無悔恨以何為證王尋立誓若我至
誠心無悔恨者我今身體還復如故作是語
已槃一即時平復天及人民欣勇無量世尊今者
法海已滿功德悉備云何欲捨一切六衆生疾
入涅槃而不說法
又復世尊過去久遠無量阿僧祇劫此閻浮
提有大國王名曰梵天王有太子字曇摩鉗
好樂正法遣使推求四方周遍了不能得尔
時太子求法不獲愁悶懊惱時天帝釋知其

至誠化作婆羅門來詣宮門言我知法誰欲
聞者吾當為說太子聞之即出奉迎捉足為
禮將至大殿敷好床座請令就坐合掌白言
唯願大師垂愍為說婆羅門言學事甚難追
師積久尔乃知之云何直尔便欲得聞理不
可也太子復言大師所須願見告勅身及妻
子一皆不惜婆羅門言汝今若能作大火坑
令深十丈滿中熾火自投於中以供養者吾
乃與法尔時太子即如其言作大火坑王及
夫人群臣姝女聞是語已不能自寧咸悉都
集詣太子宫諫喻太子曉婆羅門唯願慈愍
以我等故勿令太子投於火坑若其所須國

城妻子及與我身當為給使婆羅門言吾不
相逼隨太子意能如是者我為說法不者不
說觀其志固各自默然尔時大王即遣使者
乘八千里象宣告一切閻浮提內曇摩鉗太
子為於法故却後七日身投火坑其欲見者
宜早來會時諸小王四遠士民強弱相扶悉
皆雲集詣太子所長跪合掌異口同音七白太
子言我等諸臣仰憑太子猶如父母今若投
火天下喪父永無所怙願愍我曹莫為一人
孤棄一切尔時太子語衆人言我於久遠生
死之中喪身無數人中為貧更相斬害天上
壽盡失欲憂苦地獄之中火燒湯煮斧鋸刀

戟灰河劍樹一日之中喪身難計痛徹心髓
不可具陳餓鬼之中百毒鑽軀畜生中苦身
供衆口負重食草苦亦難數空河衆苦唐失
身命未曾善心為於法也吾今以此臭穢之
身供養法故汝等云何復欲却我無上道心
我捨此身為求佛道後成佛時當施汝等五
分法身衆人默然是時太子立火坑上白婆
羅門唯願大師為我說法我命儻終不及聞
法時婆羅門即便為說此偈
常行於慈心 除去毒害想 大悲愍衆生
矜傷為雨淚 修行大喜心 同已所得法
救護以道意 乃應菩薩行

說是偈已便欲投火。尔時帝釋并梵天王各
捉一手而復難之。閻浮提內一切生類賴太
子恩莫不得所。今若投火坑，天下喪父，何為
自沒孤棄一切。尔時太子報謝天王及諸臣
民，何為遮我無上道。天及人衆，即各默然。
輒自并身投於火坑。天地大動，虛空諸天同
時號哭，淚如盛雨。即時火坑變成華池。太子
於中坐蓮華臺，諸天雨華，乃至於膝。尔時梵
天及帝釋等皆悉讚歎勤苦如此，必成佛。尔
時大王、今父、淨飯王、是尔時母者、今摩耶是
尔時太子、曇摩鉗者、今世尊是尔時如是求
法為救衆生。今已成滿，宜當潤彼枯槁之類。

云何便欲捨至涅槃不肯說法又復世尊過
去無量阿僧祇劫尔時波羅捺國有五百仙
士時仙人師名鬱多羅恒思正法欲得修學
四方推求宜告一切誰有正法為我說者隨
其所欲悉當供給有婆羅門來應之言吾有
正法誰欲聞者我當為說時仙人師合掌白
言唯願矜愍垂哀為說婆羅門言學法事難
久吾乃獲汝今云何直尔欲聞於理不可汝
若至誠欲得法者當隨我教仙人白言大師
教勅不敢違逆違即語曰汝今若能剝皮當
紙折骨為筆血用和墨寫吾法者乃與汝說
時鬱多羅聞此語已歡喜踊躍敬如來教即

剥身皮折取身骨以血和墨仰白之曰今正是時唯願速說時婆羅門便說此偈

常當攝身行而不殺盜淫不兩舌惡口

妄言及綺語心不貪諸欲無瞋恚毒想

捨離諸邪見是為菩薩行

說是偈已即自書取遣人宣寫閻浮提內一

切盤人民咸使誦讚如說修行世尊凡今時如是

求法為於衆生心無悔恨今者云何欲捨一

切入於涅槃而不說法又獲世尊過去久遠

阿僧祇劫於閻浮提作大國王名曰尸毗王

所住城名提婆拔提豐樂無極時尸毗王主

閻浮提八萬四千諸小國土六萬山川八千

億聚落王有二萬夫火絲女五百太子一萬
大臣行大慈悲矜及一切時天王帝釋五德
離身其命將終愁憤不樂毗首羯摩見其如
是即前白言何為慷慨而有愁色帝釋報言
吾將終矣死證已現如今世間佛法已滅亦
復無有諸大菩薩我心不知何所歸依是以
愁耳毗首羯摩白天帝言今閻浮提有大國
王行菩薩道名曰尸毗志固精進必成佛道
宜往投歸必能覆護解救危厄天帝復白若
是菩薩當先試之為至誠不汝化為鴿我變
作鷹急追汝後相遂至彼大王坐所便求擁
護以此試之足知真偽毗首羯摩復答天帝

菩薩大人不宜加苦非應供養不須以此難
事逼也。尔時帝釋便說偈言

我亦非惡心 如真金應試 以此試菩薩

知為至誠不

說是偈已毗首羯摩自化為鴿帝釋作鷹急

追鴿後臨欲捉食時鴿惶怖飛趣大王入王

腋盤下歸命於王鷹尋後至立於殿前十語大王

言今此鴿者是我之食來在王邊宜速還我

我飢甚急尸毗王言吾本誓願當度一切此

來依我終不與汝鷹復言曰大王今者云度

一切若斫我食命不得濟如我之類非一切

耶王時報言若與餘肉汝能食不鷹即言曰

唯得新殺熟肉我乃食之王復念曰今求新
殺熟肉者害一救一於理無益內自思惟唯
除我身其餘有命皆自惜護即取利刀自割
股肉持用與鷹質此鴿命鷹報王曰王為施
主等視一切我雖小鳥理無偏枉若欲以肉
質此鴿者宜稱使停王勅左右疾取稱來以
鈎鈎中兩頭施槃即時取鴿安著一頭所割
身肉以著一頭割股肉盡故輕於鴿復割兩
臂兩脇身肉都盡故不等鴿尔時大王舉身
自起欲上稱槃氣力不接失跨墮地悶無所
覺良久乃蘇自責其心我從久遠為汝所困
輪迴三界酸毒備嘗未曾為福今是精進立

行之時非懈怠時種種責已自強起立得上
桶槃心中歡喜自以為善是時天地六種震
動諸天宮殿皆悉傾搖乃至色界諸天同時
來下於虛空中見於菩薩行於難行傷壞軀
體心期大法不顧身命各共啼哭淚如盛雨
又雨天華而以供養盤一爾時帝釋還復本形住
在王前語大王曰今作如是難及之中一行欲求
何等汝今欲求轉輪聖王帝釋梵王三界之
中欲求何等菩薩答言我所欲求者不期三界
尊榮之樂所作福業欲求佛道天帝復言汝
今壞身乃徹骨髓寧有悔恨意耶王言無也
天帝復曰雖言無悔誰能知之我觀汝身顛

掉不停言氣斷絕言無悔恨以何為證王即
立誓我從始來乃至於今無有悔恨大如毛
髮我所求願必當果獲至誠不虛如我言者
令吾身體即當平復作誓已訖身便平復倍
勝於前天及世人歎未曾有歡喜踊躍不能
自勝尸毗王者今佛身是也世尊往昔為於
衆生不顧身命乃至如是今者世尊法海已
滿法幢已立法鼓已建法炬已照潤益成
今正得時云何欲捨一切衆生入於涅槃而
不說法尔時梵王於如來前合掌讚歎說於
如來先身求法為於衆生凡有千首世尊尔
時受梵王請即便往詣波羅捺國鹿野苑中

轉于法輪三寶因是乃現於世時諸天人諸
龍鬼神八部之衆聞說是已莫不歡喜頂戴
奉行

摩訶薩埵以身施虎品二

如是我聞一時佛在舍衛國祇樹給孤獨園

尔時世尊乞食時到著衣持鉢獨將阿難入

城乞食時有一老母唯有二男偷盜十二無度賊

主捕得便將詣王平事案律其罪應死即付

旃施羅將至殺處遙見世尊母子三人俱共

向佛叩頭求哀唯願天尊垂濟苦厄救我子

命誠心歎篤甚可憐愍如來慈矜即遣阿難

詣王請命王聞佛教即便放之得脫此厄感

戴佛恩欣勇無量尋詣佛所頭面禮足合掌
白言蒙佛慈恩得濟餘命唯願天尊慈愍我
等聽在道次佛即可之告曰善來比丘鬚髮
自墮身所著衣變成袈裟敬心內發志信益
固佛為說法諸垢永盡得阿羅漢道其母聞
法得阿那含今時阿難目見此事歎未曾有
讚說如來若于德行又復諮嗟母子三人宿
有何慶值遇世尊得免重罪獲涅槃安一身
之中特蒙利益何其快哉佛告阿難此三人
者非但今日蒙我得治乃往過去亦蒙我恩
而得濟活阿難白佛不審世尊過去世中濟
活三人其事云何佛告阿難乃往久遠阿僧

祇劫此閻浮提有大國王名曰摩訶羅檀那
晉言大寶典領小國凡有五千王有三子其
第一者名摩訶富那甯次名摩訶提婆晉言
大天次名摩訶薩埵此小子者少小行慈矜
愍一切猶如赤子尔時大王與諸群臣夫人
太子出外遊觀時王疲憊小住休息其王三
子共遊林間見有一虎適乳二子十三飢餓逼切
欲還食之其王太子語二兄曰今此虎者酸
苦極理羸瘦垂死加復初乳我觀其志欲自
噉子二兄答言信如汝所云第復問兄此虎
今者當復何食二兄報曰若得新殺熱血肉
者乃可其意又復問曰今頗有人能辨斯事

救此生命今得存不二兄答言是為難事時
王小子內自思惟我於久遠生死之中猶身
無數唐捨軀命或為貪欲或為瞋恚或為愚
癡未曾為法今遭福田此身何在設計已定
復共前行前行未遠白二兄言兄等且去我
有私緣比介隨後作是語已疾從本徑至於
虎所投身虎前餓虎口噤不能得食介時太
子自取利木刺身出血虎得舐之其口乃開
即噉身肉二兄待之經久不還尋迹推覓憶
其先心必能至彼餒於餓虎追到岸邊見摩
訶薩墮死在虎前虎已食之血肉塗漫自撲
墮地氣絕而死經於久時乃還蘇活啼哭宛

轉迷憤悶絕而復還蘓夫人睡眠夢有三鴿
共戲林野鷹卒捉得其小者眠覺已驚怖向
王說之我聞謠言鴿子孫者也今亡小鴿我
可愛兒必有不祥即時遣人四出求覓未久
之間二兒已到父母問言我可愛子今為所
在二兒哽噎隔塞斷絕不能出聲經于久時
乃復出言虎已食之父母聞此躡地悶絕而
無所覺良久乃蘓即與二兒夫人姝女馳奔
至彼死屍之處尔時餓虎食肉已盡唯有骸
骨狼藉在地母扶其頭父捉其手哀号悶絕
絕而復蘓如是經久時摩訶薩埵命終之後
生兜率天即自生念我因何行來受此報天

眼微視遍觀五趣見前死屍故在山間父母
悲悼纏綿痛毒憐其愚惑啼泣過甚或能於
此喪失身命我今當往諫喻彼意即從天下
住於空中種種言辭解諫父母父母仰問汝
是何神願見告示天尋報曰我是王子摩訶
薩埵我由捨身濟虎飢乏生兜率天大王當
知有法歸無生必有終惡墮地獄為善生天
生死常塗今者何獨沒於憂愁煩惱之海不
自覺悟懃修衆善父母報言汝行大慈矜及
一切捨我取終吾心念汝荒塞寸絕我苦難
計汝修大慈那得如是於時天人復以種種
妙善偈句報謝父母父母於是小得惺悟作

七寶函盛骨著中尋埋畢訖於上起塔天即
化去王及大衆還自歸宮佛告阿難爾時大
王摩訶羅檀那者豈異人乎今我父闍頭檀
是時王夫人我母摩訶摩耶是爾時摩訶富
那甯者今彌勒是第二太子摩訶提婆今婆
修蜜羅是爾時太子摩訶薩埵豈異人乎我
身是也盤一爾時虎母今此老母是爾時十五二子今
二人是我於久遠濟其急厄危頓之命令得
安全吾今成佛亦濟彼厄令其永離生死大
苦爾時阿難一切衆會聞佛所說歡喜奉行
二梵志受齋品三

如是我聞一時佛在舍衛國祇樹給孤獨園

尔時初夜有二天來詣於佛所天人身光照
曜祇洎皆如金色佛便隨宜演暢妙法心意
開悟俱得道迹頭面禮佛還歸天上明日清
朝阿難白佛昨夜二天來覲世尊威相炳著
淨光赫奕昔種何德獲斯妙果佛告阿難迦
葉如來滅度之後遺法垂末有二婆羅門受
持八齋其一人者求願生天其第二人求作
國王其第一人還歸其家婦呼共食夫答婦
言向受佛齋過中不食婦復語曰君是梵志
自有戒法何緣乃受異道之齋今若相違不
共我飯當以斯事語諸梵志使驅擯汝不與
會同聞此語已深懷恐怖便與其婦非時而

食二人隨壽長短各取命終願作王者持齋
完具得生王家願生天者由破齋故乃生龍
中時有一人為王守園日日奉送種種菓蔬
此人後時於泉水中得一異柰色香甚美便
作是念我每出入常為門監所見前却當以
與之如念盤一即與門監受已復自思惟我通事
時每為黃門之所把縮當以與之便十六用斯柰
奉貢黃門黃門納竟轉上夫人夫人得柰復
用獻王王食此柰甚覺甘美便問夫人從何
處得夫人即時如實而對展轉相推到于園
監王復召喚而問之曰吾園之中有此美菓
何不見奉乃與他人園監於是本末自陳王

復告言自今已後常送斯柰莫令斷絕園監
啓曰此柰無種從泉中得勅使常送魚由可
辨王復告言若不能得當斬汝身園監還出
至彼園中憂愁懊惱舉聲大哭時有一龍聞
其哭音變身為人來問之言汝有何事悲哭
乃尔是時園監具自宜說龍還入水以多美
菓著金盤上用與此人因告之言可持此菓
以奉汝王并膝吾意云吾及王本是親友乃
昔在世俱為梵志共受八齋各求所願汝戒
完具得為人王吾戒不全生於龍中今欲奉
修齋法求捨此身願索八關齋法用遺於我
若其相違吾覆汝國用作大海園監於時奉

莫於王因復說龍所囑之變王聞此已甚用
不樂所以者何時世無佛法又滅盡八閔齋
文今不可得若不稱之恐見危害惟念此理
是故愁悵王有大臣最所敬重王告臣曰龍
神從我求索齋法仰卿得之當用寄與大臣
對言今世無法云何可得王又告曰汝今不
獲吾常殺卿大臣聞此甚懷惆悵往至自舍
此臣有父年在耆舊每從外來和顏悅色以
慰父意當於是時父見其子面色改常即便
問之何由乃尔於時大臣便向其父委曲自
說其父答曰吾家堂柱每現光明試破看之
儻有異物奉父言教令他施代取而斬折得

經二卷一是十二因緣二是八關齋文大臣
即持奉上於王王得歡喜不能自勝便以此
經著金盤上自送與龍龍獲此經大用欣慶
使用好寶贈遺於王受持八齋勤而奉行命
終之後生於天宮人王亦復修奉齋法壽盡
生天共同一處昨夜俱來諮稟法化應時尋
得須陀洹果永息三塗遊人天道從是已往
畢得涅槃佛說是時一切衆會歡喜奉行
波羅捺人身質供養品四

如是我聞一時佛在舍衛國祇樹給孤獨園
是時國中有大長者生一男見面首端正既
生數日復能言語問其父母世尊在不答曰

故在後更問曰尊者舍利弗阿難等悉為在
不答言悉在父母見生子便能言謂其非人
深恠所以便往問佛佛言此兒有相不足疑
也父母歡喜還歸其家兒又啓曰唯願二親
為我請佛及比丘僧父母告曰請佛及僧當
須供具非卒可辦兒又啓曰但掃灑堂舍莊
嚴床席施三高座百味飲食當自然至又我
先身之父母今猶存在居波羅捺國為我喚
之父母隨語使人乘象馳奔召來所以作三
高座者一為如來二為本生母三為今身母
佛與衆僧既入其舍次第坐定可饌美饋自
在豐足佛為說法父及二母合家大小聞法

歡喜盡得初果此見轉長便辭出家精勤正
業獲致羅漢阿羅白佛此沙門者宿種何德
生於豪貴小而能言又復學道逮得神通佛
告阿難此人前身生波羅捺為長者子父亡
沒後家業衰耗漸致貧窮雖值佛世無以供
養念此不悅情不自釋便捨豪姓以為容作
終竟一歲索金千兩豪姓問曰卿欲妻聚耶
答曰不也豪姓又問用金何為答曰欲用飯
佛及於聖僧豪姓告曰若欲請佛吾當與金
并為經營會於我舍貧者唯諾便設餽饌請
佛及僧由此因緣命終之後生在長者家今
復請佛聞法得道佛告阿難往昔貧人者今

長者子沙門是也佛說此時一切衆會莫不
歡喜頂戴奉行

海神難問舩人品五

如是我聞一時佛在舍衛國祇樹給孤獨園
尔時此國有五百賈客入海採寶自共議言
當求明人用作導師便請一五戒優婆塞共

盤

入大海既到海中海神變身作一夜又形體

十九

醜惡其色青黑口出長牙頭上火燃來牽其
舩問佑客曰世間可畏有過我者無賢者對
曰更有可畏劇汝數倍海神復問何者是耶
答曰世有愚人作諸不善殺生盜竊媼妹無
度妄言兩舌惡口綺語貪欲瞋恚沒在邪見

死入地獄受苦萬端獄卒阿傍取諸罪人種種治之或以刀斫或以車裂分壞其身作數千段或復曰擣或復磨之刀山劍樹火車鑊湯寒冰沸屎一切備受荷如此苦經數千萬歲此之可畏劇汝甚多海神放之隱形而去船進數里海神復更化作一人形體瘠瘦筋骨相連復來牽船問諸人言世間羸瘦有劇我者無賢者答言有羸瘦甚劇於汝海神復問誰復劇耶賢者答曰有愚癡人心性弊惡慳貪嫉妬不知布施死隨餓鬼身大如山咽如針鼻頭髮長亂形體黑瘦數千萬歲不識水穀如是之形復劇於汝海神放船沒而不

現船行數里海神復更化作一人極為端正
復來牽船問諸高賈人之美妙有與我等者
無賢者答曰乃有勝汝百千萬倍海神復問
誰為勝者賢者答曰世有智人奉行諸善身
口意業恒令清淨信敬三寶隨時供養其人
命終生於天上形貌嫩潔端正無雙殊勝於
汝數千萬倍以汝方之如瞎獼猴比彼妙女
海神取水一掬而問之曰掬中水多海水多
耶賢者答曰掬中水多非海水多也海神重
問汝今所說為至誠不賢者答曰此言真諦
不虛妄也何以明之海水雖多必有枯竭劫
欲盡時兩日並出泉源池流悉皆旱涸三日

出時諸小河水悉皆枯乾四日出時諸大江
海悉皆消竭五日出時大海稍減六日出時
三分減二七日出時海水都盡須彌崩壞下
至金剛地際皆悉焦然若復有人能以信心
以一掬水供養於佛或用施僧或奉父母或
匄貧窮給與禽獸此之功德歷劫不盡以此
言之知海為少掬水為多海神歡喜即以珍
寶用贈賢者并寄妙寶施佛及僧時諸賈客
即與賢者採寶已足還歸本國是時賢者互
百賈客咸詣佛所稽首佛足作禮畢已持寶
物并海神所寄奉佛及僧悉皆長跪叉手白
佛願為弟子稟受清化佛尋可之善來比丘

鬚髮自落法衣在身佛為說法應適其情即時開悟諸欲都淨得阿羅漢時諸會者聞佛所說皆大歡喜頂戴奉行

恒伽達品六

如是我聞一時佛在羅閱祇竹園精舍是時

國中有一輔相其家大富盤一然無兒子時恒河

邊有摩尼跋羅天祠合土人民皆悉敬奉時

此輔相往詣祠所而禱之言我無子息豈聞

天神功德無量救護群生能與其願今故自

歸若蒙所願願賜一子當以金銀校飭天身

及以名香塗治神室如其無驗當壞汝廟屎

塗汝身天神聞已自思惟言此人豪富力勢

強盛非是凡品得為其子我德渺少不能與
願願若不果必見毀辱廟神復往白摩尼跋
羅摩尼跋羅其力不辦自詣毗沙門王啓白
此事毗沙門言亦非我力能使有子當詣天
帝從來斯願毗沙門王即時上天啓帝釋曰
我有一臣摩尼跋羅近日見語云王舍城有
一輔相從其求子結立重誓若願得遂倍加
供養所願若違當破我廟而毀辱之彼人豪
凶必能如是幸望天王令其有子帝釋答曰
斯事至難當覓因緣時有一天五德離身臨
命欲盡帝釋告曰卿今垂終可願生彼輔相
之家天子答言意欲出家奉修正行若生尊

榮離俗則難欲在中流冥遂前志帝釋復曰
但往生彼若欲學道吾當相佐天子命終降
神受胎輔相之家即便受生形貌端正即召
相師為其立字相師問曰本於何處求得此
兒輔相答曰昔從恒河天神求之因為作字
為恒伽達年漸長大志在道法便啓父母求
盤一索出家父母告曰吾今富貴產業弘廣唯汝
十一一子當嗣門戶遭吾存活終不相聽見不從
志深自惆悵便欲捨身更求凡處於中求出
必極易也於是密去自墜高巖既墮在地無
所傷損復至河邊投身水中水還漂出亦無
所苦復取毒藥而吞噉之毒氣不行魚由致

死後作是念當犯官法為王所殺值王夫人
及諸妹女出官到園池中洗浴皆脫衣服置
林樹間時恒伽達密入林中取其服飭抱持
而出門監見已將往白阿闍世王王聞此事
瞋恚隆盛便取弓箭自手射之而箭還返正
向王身如是至三不能使中王怖投弓問彼
人言卿為是天龍鬼神乎恒伽達言賜我一
願乃取自陳王曰當與恒伽達言我非是天
亦非龍鬼是王舍國輔相之兒我欲出家父
母不聽故欲自殺更生餘處投巖赴河飲毒
不死故枉王法望得危命王今加害復不能
傷事情如是何酷之甚願見願聽聽我為道

王尋告曰聽汝出家學道因復將之共到佛
所啓白世尊如向之事於時如來聽為沙門
法衣在體便成比丘佛為說法心意開暢成
羅漢道三明六通具八解脫阿闍世王尋白
佛言此恒伽達者先世之時種何善根投山
不死墮水不溺食毒無苦箭射魚無傷加遇聖
尊得度生死佛告王曰乃往過去木三無數世時
有一大國名波羅捺其王名梵摩達將諸宮
人林中遊戲諸姝女輩激聲而歌外有一人
高聲和之王聞其聲便生瞋妬遣人捕來勅
使殺之時有大臣從外邊來見此一人而被
囚執便問左右何緣乃尔其傍諸人具列事

狀臣曰且停待我見王大臣進入啓白王言
彼人之罪不至深重何以殺之雖和其音而
不見形旣無交通姦媼之事幸願垂矜宥其
生命王不能違赦不刑戮其人得脫奉事大
臣勤謹無替如是永給經歷多年便自思惟
媼欲傷人利於刀劒我之困厄皆由欲故即
語大臣聽我出家遵修道業大臣答曰不敢
相違學若成道還來相見即詣山澤專思妙
理精神開悟成辟支佛還來城邑告大臣家
大臣歡喜請供養之月饒妙服四事無乏時
辟支佛於虛空中現神變化身出水火放大
光明大臣見之欣然無量便立誓願由吾息

故命得全濟使我世世富貴長壽殊勝奇特
數千萬倍令我智德相與共等佛告王言時
彼大臣救活一人令得道者今恒伽達是由
是因緣所生之處命不中天今值我時逮致
應真佛說此已諸在會者信敬歡喜頂受奉
行

盤一

須閣提品七

如是我聞一時佛在羅閱祇竹園精舍爾時
世尊而與阿難著衣持鉢入城乞食時有老
公老母兩目既冥貧窮孤苦無止住處止宿
門下唯有一子年始七歲常行乞食以供養
父母得好菓采其美好者供養父母餘殘酸

澀臭穢惡者便自食之。爾時阿難見此小兒，雖為年小，恭敬孝順，心懷愛念，念佛乞食已還，到精舍，爾時世尊為諸大眾演說經法。阿難於時長跪，叉手前白佛言：向與世尊入城分衛，見一小兒，慈心孝順，共盲父母住城門下，東西乞食所得之物，飯食菓其美好者先以供養其老父母，破敗臭穢極不好者便自食之。日日如是，甚可愛敬。佛語阿難：出家在家，慈心孝順，供養父母，計其功德，殊勝難量。所以者何？我自憶念過去世時，慈心孝順，供養父母，乃至身肉濟活父母危急之厄，以是功德上為天帝，下為聖主，乃至成佛，三界持

尊皆由斯福阿難白佛不審世尊過去世時
慈考父母不惜身命能以身肉濟救父母危
嶮之命其事云何佛告阿難諦聽善念我當
說之阿難唯然當善聽之佛告阿難乃往過
去無量無數阿僧祇劫此閻浮提有一大國
名特叉尸利盤爾時有王名曰提婆時彼國王
有十大子各領諸國最小太子字修婆提羅次五
致晉言善住所領國土人民觀望最為豐樂
時父王邊有一大臣名曰羅睺每懷凶逆叛
殺大王大王已死攝正為王即遣兵衆往詣
諸國殺諸太子此最小者鬼神所敬時入園
中欲行觀看有一夜叉從地而出長跪白言

羅睺大臣叛殺父王遣諸兵衆殺汝諸兄今
復遣人欲來殺汝王可思計避其禍難時王
聞之心用惶怖到於其夜便思計校而欲突
去時有一兒字須闍提晉言善生方年七歲
端正聰黠甚為可愛其王愛念出復來還而
抱此兒悲泣歎息其婦見王入出惶惶即而
問之何以忽忽如恐怖狀其夫答言非卿所
知婦復牽之我今與汝身命共并危嶮相隨
莫見捐捨今有何事當以告示其王答言我
近入園有夜叉鬼從地而出長跪白我羅睺
大臣今興惡逆已殺父王遣諸兵衆殺汝諸
兄今亦遣兵當來殺王宜可避之我聞是語

心懷恐怖但恐兵衆如是來到是故急疾欲
得去耳其婦長跪即白王言願得隨侍莫見
孤棄時王即便將婦抱兒相將而去欲至他
國時有二道一道七日一道十四日初發惶
懼唯作七日糧調規俟一人而已既已出城
其心憤錯乃涉十四日道已經數日糧食乏
盡飢餓迷荒無餘方計憐愛其子即欲殺其
婦而欲自濟并用活兒令婦在前擔兒而行
於後拔刀欲殺其婦時兒還願見父拔刀欲
殺其母兒便叉手跪父王言唯願大王寧殺
我身勿害我母懇懇諫王救其母命而語父
言莫絕殺我稍割食之可經數日若斷我命

肉便臭爛不可經久於是父母欲割兒肉啼
哭懊惱而割食之日日割食其肉稍盡唯有
骨在未至他國飢荒遂甚父復挺刀於其節
解次第剥之而得少肉於是父母臨當棄去
兒自思惟我命少在唯願父母向所有肉可
以少許還用見施父母不違即作三分二分
自食餘有一分并殘肌肉眼舌之等悉以施
之於是別去兒便立願我今身肉供養父母
持是功德用求佛道普濟十方一切衆生使
離衆苦至涅槃樂發是願時三千世界六反
震動色欲諸天而皆愕然不知何故宮殿動
搖即以天眼觀於世間而見菩薩以身之肉

供養父母願成佛道誓度衆生以是之故天
地大動於是諸天皆悉來下側塞虛空悲泣
隨淚猶如盛雨時天帝釋來欲試之化作乞
兒來從其乞持手中肉復用施之即化作師
子虎狼來欲噉之其兒自念此諸禽獸欲食
我者盤一我身餘殘骨肉髓腦悉以施之心亦七生歡
喜無有悔恨亦七爾時天帝見其執志心不移動
還復釋身住其兒前而語之曰如汝慈孝能
以身肉供養父母以是功德用求何等天帝
魔王梵天王耶兒即答言我不願求三界快
樂持此功德用求佛道願度一切無量衆生
天帝復言汝能以身供養父母得不悔恨於

父母耶其兒答言我今至誠供養父母無有
悔恨大如毛髮天帝復言我今視汝身肉已
盡言不悔恨是事難信其兒答言若無悔恨
我願當成佛者使我身體平復如故言誓已
竟身即平復時天帝釋及餘諸天異口同音
讚言善哉其兒父母及國中人皆到兒所歎
未曾有時彼國王見其太子所作奇特倍加
恭敬歡喜無量將其父母及其太子入宮供
養極為恭敬哀此太子時彼國王躬將軍馬
共善住王及須闍提太子還至本國誅滅羅
睺立作大王父子相繼其國豐樂遂致太平
佛語阿難尔時善住者今現我父淨飯王是

尔時母者今現我母摩訶摩耶是尔時須闍
提太子者今我身是佛語阿難由過去世慈
心孝順供養父母以持身肉濟父母厄緣是
功德天上人中常生豪尊受福無量緣是功
德自致作佛尔時衆會聞佛自說宿世本緣
尔時會者皆各悲歎感佛奇特慈孝之行其
盤一中有得須陀洹者斯陀含者阿那含者阿羅
漢者有發無上正真道者有住不退地者一
切衆會皆大歡喜頂戴奉行

賢愚因緣經卷第一

盤

蔽必祭

酸切上正作瘦

懇惻

群僚

僚

下音

反

下昌

下音

益	上	官	下	反	定	反	苦	反	憤	枯	鉗	揚	僉	及	演	矜
反	毗	反	莫	逼	化	枉	妹	下	下	稿	兼	登	然	及	刻	及
哀	撲	及	彼	薩	及	紆	及	俱	考	下	及	力	廉	上	及	陵
號	及	蒲	力	堙	往	慨	音	斧	訊	訊	及	七	官	佩	及	蒲
毫	下	角	羸	果	下	宜	反	吾	捺	錮	二	音	戰	恃	及	妹
音	諺	瘦	及	丁	稱	愛	國	下	上	音	音	同	信	掉	市	音
悲	言	垂	上	叩	用	下	朕	伐	上	音	音	琢	戰	上	冕	床
掉	見	上	反	頭	秤	今	亦	及	奴	據	甫	下	正	及	兄	辱
盜	下	反	魚	加	上	脇	穴	卓	音	戰	唐	徒	作	弘	辱	下
音	哽	噤	音	業	二	脅	字	反	居	及	唐	弟	顛	怡	音	音
惺	噎	禁	下	款	業	二	股	角	上	逆	捐	及	音	音	愚	音
悟	下	反	其	篤	及	同	肉	反	必	撤	綠	下	音	象	鄙	下
井	上	於	古	管	上	虛	髀	反	析	反	音	音	創	炷	美	下
反	息	結	猛	反	及	口	內	音	骨	列	憚	下	下	上	及	彼
闕	反	及	及	瑞	失	踏	也	古	昔	上	及	字	古	音	章	開
頭	反	及	塗	甯	作	下	賀	音	音	及	徒	且	文	注	夷	闌
音	上	地	漫	奴	下	跨	正	候	莫	愁	官	摩	毗	及	昌	下

用	八	下	六	下	眇	字	上	妖	同	二	用	作	刃	悅
肌	反	閑	音	音	少	盤	皎	一	唯	遺	擯	及	及	柄
穴	忘	中	淺	息	上	一	反	夷	諾	醉	正	正	著	略
下	上	天	及	息	及	許	瘦	疇	下	上	惟	菓	略	上
肉	音	紅	小	嗣	音	擗	消	消	奴	于	嗜	菹	又	音
字	飢	惶	於	音	漂	音	音	音	各	矣	舊	魯	又	下
愕	據	酸	及	音	正	音	音	音	反	反	夷	禍	音	著
然	下	澁	及	音	音	旱	弊	惡	佑	渠	上	反	果	赫
各	上	官	上	音	音	涸	惡	音	容	反	反	下	下	亦
反	吾	蘇	音	音	音	音	音	音	音	市	反	批	下	上
	規	叛	音	音	音	音	音	音	音	扇	反	縮	音	許
	均	音	音	音	音	音	音	音	音	音	反	音	音	容
	弥	音	音	音	音	音	音	音	音	音	反	音	音	反
	有	音	音	音	音	音	音	音	音	音	反	音	音	反
	突	音	音	音	音	音	音	音	音	音	反	音	音	反
	與	音	音	音	音	音	音	音	音	音	反	音	音	反
	肉	音	音	音	音	音	音	音	音	音	反	音	音	反
	同	音	音	音	音	音	音	音	音	音	反	音	音	反

山城國綴喜郡新村
 靈瑞山剛恩菴沙門宗桂書寫

